



mjesečni Bilten

omladinska mreža bosne i hercegovine

novembar
studen
2017.

222

Dragi prijatelji/ce,

Predstavljamo vam novembarsko izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **183** organizacije i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u novembru 2017.....	2
Planovi za decembar 2017.	6
Aktivnosti članova mreže	7
Saopštenja/informacije/donatori/pozivi	26

Uživajte u čitanju!

AKTIVNOSTI ORC/HCA U NOVEMBRU 2017.

„Mladi za bolju budućnost“

U okviru projekta „Mladi za bolju budućnost“ koji realizuju članovi Omladinskog resursnog centra, tokom novembra smo počeli sa pripremama za posjete partnerskim organizacijama u Brčkom, Doboju i Vitezu, kao i sa pripremama za trening za peer edukatore, koji će biti održan u decembru u Tuzli. Video spot pod nazivom „Život u Tuzli, 2017. godina“, koji smo snimili i postavili na portale i društvene mreže je do sada imao 96.576 pregleda, 336 dijeljenja na privatnim profilima korisnika društvenih mreža, 1.000 reakcija na stranici ORC Tuzla i 1.300 reakcija na profilima koji su dijelili video. Video možete pronaći na sljedećem linku: <https://www.facebook.com/ORCTuzla/videos/1548994761815457/>

Sve čitatelje pozivamo da isti podijele na svojim profilima i na taj način podrže našu želju za društvo mladih bez diskriminacije.



Objavlivanje ovog video materijala je dijelom finansirano grantom Ministarstva vanjskih poslova Sjedinjenih Američkih Država (Department of State). Mišljenja, nalazi i zaključci koji su ovdje navedeni pripadaju autorima i ne odražavaju nužno mišljenja, nalaze i zaključke Ministarstva vanjskih poslova Sjedinjenih Američkih Država.“

„Divided past – Joint future“



Omladinski Resursni Centar Tuzla je, zajedno sa još sedamnaest nevladinih organizacija iz regije, partner u projektu „Podijeljena prošlost – zajednička budućnost. Projekat podržava Evropska Unija, a glavni nosilac aktivnosti

je Omladinski Komunikativni Centar Banja Luka. Svrha ovog projekta je izgradnja infrastrukture za efektivan proces pomirenja na Zapadnom Balkanu i Turskoj.

U okviru projektnih aktivnosti, u Bitoli, Makedonija je, u periodu 15. – 18. Novembra održan trening za organizacije partnere. Domaćin treninga bio je Omladinski kulturni centar (MKC) Bitola. Cilj treninga bio je učenje o korištenju novih i inovativnih alata za zagovaranje i neformalnu edukaciju, te međusektorski pristup miru i pomirenju.



Učesnici ovog treninga imali su mogućnost da istraže koncept socijalnih inovacija, te da sagledaju njihovu refleksiju na dizajn projekta i projektne aktivnosti. Korištenje ovakvog pristupa na odgovarajući način može uticati na kredibilitet organizacija civilnog društva u polju izgradnje mira i pomirenja. Jačanjem vlastitih kapaciteta, svi partneri se mogu pozicionirati kao ravnopravni učesnici u debatama koje se tiču mira i pomirenja u javnom sektoru, biznis zajednici, kao i među građanima i drugim organizacijama civilnog društva.



*Ovaj tekst je napisan kao dio projekta **Divided Past – Joint Future**, te u sebi ne sadrži, niti predstavlja mišljenja ni stajališta Evropske Unije, njenih institucija i tijela. Odgovornost za informacije i poglede iznešene u tekstu snosi u potpunosti sam autor teksta.*

Omladinska grupa ORC Tuzla

Radionica „Prevenција i suprotstavljanje nasilnom ekstremizmu na lokalnom nivou“

OSCE Misija u BiH organizovala je niz radionica na lokalnoj razini u gradovima kao što su Cazin, Bihać, Brčko, Tuzla i Zenica, sa više zainteresovanih strana na temu: **"Prevenција i suprotstavljanje nasilnog ekstremizma na lokalnom nivou"**. Radionice su okupile predstavnike općina, organizacije civilnog društva, obrazovne ustanove, socijalne službe, centre za mentalno zdravlje, vjerske zajednice, odgojne službe, novinare i sl.



Radionici koja je održana 13-14. novembra 2017. godine u hotelu "Mellain" u Tuzli imali su priliku da prisustvuju i učestvuju i članovi Omladinskog resursnog centra Tuzla **Slobodan Blagovčanin** i **Mirela Biković**.

Naši članovi su imali priliku slušati predavanja kao što su: proces radikalizacije u nasilje; psihološki aspekti radikalizacije; aspekti vjere, religije i ideologije u prevenciji i borbi protiv nasilnog ekstremizma; prevencija i borba protiv nasilnog ekstremizma na lokalnom nivou; i također sudjelovati u raspravama o

sprečavanju pojave nasilnog ekstremizma.

Predavanja su prezentovala eminentna imena poput: dr. Sead Turčalo (*Atlanska inicijativa*), Aida Ganović (*psihologinja*), Muhamed Jusić (*teolog*) i Hamza Višća (*nezavisni ekspert za reforme sigurnosnog sektora*).

Cilj ove radionice bio je unaprijediti poznavanje lokalnih sudionika sa načinima suprotstavljanja nasilnom ekstremizmu i radikalizaciji dijeljenjem i učenjem najbolje prakse, razjašnjenjem sigurnosnih pitanja i projektiranjem budućih aktivnosti za određena područja. Dovođenjem lokalnih aktera zajednice i stvaranjem platforme za dijalog i suradnju, radionice će pomoći u rješavanju nasilnog ekstremizma kao multidimenzionalnog pitanja koje se tiče i utječe na društvo u cjelini.

Tokom radionice koja je bila veoma poučna za članove Omladinskog resursnog centra pokušali smo da odgovorimo pitanja poput: da li je ekstremizam problem naše lokalne zajednice, da li imamo mehanizme za suzbijanje i procese za sprečavanje nasilnog ekstremizma. Samom prevencijom bi željeli postići veću svijest građanstva o pogubnosti nasilnog ekstremizma, a prevenciju možemo dostići putem informisanja i obrazovanja mladih, ubuka nastavnog osoblja, obuke policije, socijalnih službi, lideta, vjerskih službi i sl. te objavljivanjem obrazovnih sadržaja, a bolju saradnju između svih aktera u prevenciji i suprotstavljanju ekstremizmu na lokalnom nivou dosegunuti boljom suradnjom aktera, organa vlasti i civilnog društva i unaprijeđenjem kapaciteta policije i drugih agencija.



Finansiranje omladinskog rada za inkluziju i prihvatanje različitosti u Evropi



U Malom Idošu je od 13. do 21. novembra 2017. godine održan trening kurs pod nazivom „Finansiranje omladinskog rada za inkluziju i prihvatanje različitosti u Evropi“ za omladinske radnike i aktiviste iz Slovenije, Srbije, Crne Gore, Hrvatske, Bosne i Hercegovine, Albanije, Grčke, Italije i Republike Kosovo.

Cilj projekta, koji se realizuje pod pokroviteljstvom Evropske Komisije kroz program Erasmus+, jeste informisanje i učenje o načinima finansiranja i pisanja projekata društvene inkluzije

marginalizovanih grupa i korištenju IT alata u prikupljanju sredstava za projekte i aktivnosti.

Organizator treninga je organizacija „Centar za razvijanje omladinskog potencijala“ iz Srbije. Predstavnik Omladinske grupe ORC Tuzla bio je Emir Karamujić.

CAT (Citizens against terrorism) – Građani protiv terorizma



U srijedu 29. Novembra 2017. Godine, u okviru kampanje „Građani protiv terorizma“, članovi naše grupe koji su uključeni u aktivnosti CAT kampanje, zajedno sa studentima iz Brčkog i Bijeljine realizovali su uličnu akciju koja je za cilj imala ukazati na broj mladih koji se bore protiv radikalizma i nasilnog ekstremizma. Također, zahvaljujući partneru iz OSCE misije u BiH podijeljeno je i 400 priručnika građanima Tuzle pod nazivom: *“Prevenција i borba protiv nasilnog ekstremizma – Svi imaju ulogu!”*

Aktivnosti kampanje možete pratiti na: www.facebook.com/CATBiH



Konferencija OSCE Misije u BiH

Misija OSCE-a u Bosni i Hercegovini, uz podršku Ministarstva vanjskih poslova BiH i Ujedinjenih naroda u BiH, organizovala je Preglednu konferenciju o poštivanju sigurnosnih obaveza BiH prema OSCE-u i UN-u, a koja je okupila domaće i regionalne stručnjake iz oblasti sigurnosti, političke aktere, te predstavnike međunarodnih organizacija i civilnog društva. Na konferenciji se ocijenio napredak koji je BiH ostvarila u ispunjavanju svojih međunarodnih sigurnosnih obaveza, a poseban fokus stavljen je na pitanja vezana za cyber sigurnost, čime se želi podstaci da predstavnici relevantnih institucija razviju odgovarajuće mehanizme za efikasnije suočavanje sa sigurnosnim izazovima u cyber prostoru. Dio radne grupe mladih bio je Slobodan Blagovčanin, projekt menadžer ORC Tuzla.



Insightrainers – Creatrainers (Comics and visuals)

U Istanbulu (Sariyer) od 20. do 25. Novembra 2017. Godine održan je trening za trenere i omladinske aktiviste pod nazivom “Insightrainers – Creatrainers” iz preko 20 zemalja svijeta.

Cilj projekta je izrada alata putem stripova, koji će koristiti trenerima koji rade sa djecom izbjeglicama u raznim dijelovima svijeta, a posebno u Turskoj, koja se suočava sa nekoliko miliona izbjeglica iz Iraka, Afganistana i Sirije. Program i trening je finansiran od strane Erasmus + programa Evropske komisije, te Turske nacionalne agencije.



Organizator treninga je TNA (Turska nacionalna agencija). Predstavnik Omladinske grupe ORC Tuzla bio je Adnan Čirak.

REDOVNE AKTIVNOSTI ORC I HCA TUZLA

Tokom novembra radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte za narednu godinu.

PLANOVI HCA/ORC-A ZA DECEMBAR 2017.

- Sprovođenje redovnih aktivnosti kroz Omladinsku mrežu Bosne i Hercegovine;
- Nastavak rada na namicanju sredstava za 2017. godinu.
- Pripreme i start partnerskog projekta sa PRONI Brčko i holandskom organizacijom „Pax for peace“ – „Mladi u borbi protiv nasilja i ekstremizma“. Projekat je podržan od holandske Ambasade u Sarajevu, u okviru programa MATRA.
- U okviru projekta „YOUth 4 better future“ (Mladi za bolju budućnost), u planu su nam obilasci naših partnera na terenu i pripreme za održavanje treninga.
- Organizovanje treninga za peer edukatore u okviru projekta „Mladi za bolju budućnost“ u Tuzli. Trening će biti održan krajem mjeseca.
- Organizovanje tradicionalne novogodišnje PARTY članova Omladinske grupe ORC Tuzla
- Pripreme za početak medijske kampanje u okviru projekta „Divided past – joint future“ podržanog od strane Evropske Unije

AKTIVNOSTI ČLANICA OMLADINSKE MREŽE BiH

Institut za
razvoj mladih KULT



Ul. 4. Viteške brigade
34 – 36 BA, 71210 Ilidža,
Sarajevo
Tel: +387 33 778 778.
Fax: +387 33 778 79
E-mail: kult@mladi.org,
web: www.mladi.org

Biznis forum u Neumu: Samo će prilika da privređuju i napreduju zadržati mlade u BiH

Bosna i Hercegovina mora osigurati dobar život građanima i građankama, a to je moguće samo kroz jačanje privrede i osiguravanje visokog dohotka – jedna je od poruka upućenih sa Biznis foruma „Rasterećenjem privrede do novih radnih mjesta“ održanog u Neumu, 8. 11. 2017. godine.



Biznis forum u Neumu okupio je privrednike, predstavnike vladinog, nevladinog i akademskog sektora i mlade preduzetnike, a razgovaralo se o teretima koji ograničavaju rast i razvoj privrede u Federaciji BiH, sa fokusom na Hercegovačko-neretvanski kanton i općinu Neum, mogućnostima za njihovo prevazilaženje, inicijativama i aktivnostima koje se provode u svrhu ekonomskih reformi, programima i

mjerama poticaja zapošljavanju i samozapošljavanju, posebno mladih, te prilikama i preprekama za pokretanje biznisa.

“Problemi u privredi moraju se rješavati saradnjom svih nivoa vlasti, dodatnim edukacijama i većim finansijskim izdvajanjima za podršku u pokretanju biznisa, posebno mladih jer oni su naša snaga.” – istakao je Živko Matuško, načelnik Općine Neum.

Tokom foruma je predstavljena i inicijativa za izmjene Zakona o PDV-u kojom je predviđeno pomjerenje roka plaćanja PDV-a za male privrednike s ciljem olakšavanja poslovanja, ali i rezultati istraživanja dodjele budžetskih poticaja privredi u periodu 2012-2015.

“U BiH nema okruženja za razvoj privrede. Nema okruženja koje mladima pruža mogućnost za razvoj biznisa i upravo se zbog toga Institut za razvoj mladih KULT odlučio uhvatiti u koštac sa izazovima u kreiranju boljeg poslovnog ambijenta za mlade ali i sve bh. građane i građanke jer to će ih zadržati u BiH. Ambijent koji im pruža mogućnost da privređuju i napreduju.” – poručio je Jasmin Bešić izvršni direktor Instituta za razvoj mladih KULT.

Biznis forum organizovao je Institut za razvoj mladih KULT pod Visokim pokroviteljstvom predsjedavajućeg Predsjedništva BiH dr. Dragana Čovića, u saradnji s Federalnim ministarstvom razvoja, poduzetništva i obrta i Općinom Neum.

Biznis forum se organizira u okviru inicijative pod nazivom „Poslovni prostor BH“ koju Institut za razvoj mladih KULT od 2014. godine provodi u okviru Projekta održivosti civilnog društva u Bosni i Hercegovini (CSSP), koji realizuju Centri civilnih inicijativa (CCI) i Centar za promociju civilnog društva (CPCD), a koji je podržan od Američke agencije za međunarodni razvoj (USAID).

Dijalog sa mladima KS: Svaki dan nebrige jedan je autobus mladih koji odlaze iz BiH

O mladima moramo i trebamo brinuti i moramo rješavati probleme u onim segmentima koji njih najviše tište – poručio je ministar obrazovanja, nauke i mladih Elvir Kazazović koji je svečano otvorio „Dijalog s mladima KS“.

„Dijalog s mladima KS“ organizivan je 24.11.2017. godine kao jedan od segmenata u procesu izrade Strategije prema mladima u Kantonu Sarajevo koja će definisati aktivnosti i mjere za poboljšanje statusa mladih.

„Uključivanje mladih jedan je od najznačajnijih dijelova cijelog procesa jer ministarstvo Strategiju radi zbog mladih i sa mladima i upravo je značaj Dijaloga s mladima zbog toga veći. Ovaj događaj prilika je da mišljenje iznesu i mladi za koje je dokument i najznačajniji, te da njihovi prijedlozi i rješenja budu uvršteni u samu Strategiju. Problema ima u mnogim oblastima i u svim treba djelovati jednako.“ – poručio je ministar Kazazović.

Ministarstvo za obrazovanje, nauku i mlade KS je zajedno sa Institutom za razvoj mladih KULT u 2016. godini provelo istraživanje o potrebama i problemima mladih Kantona Sarajevo na osnovu kojeg je i započeo proces izrade Strategije. Istraživanjem su detektivani problemi, a Strategija će ponuditi rješenja.

„Svaka zemlja koja ne vodi brigu o mladima, osuđena je na ekonomsku, društvenu, vrijednosnu i svaku drugu razgradnju i nazadovanje. Strategija sama po sebi neće donijeti revolucionarne promjene, ali će kreirati put ka usmjerenom, planskom i sinergijskom radu svih onih koji su odgovorni za brigu o mladima. Svaki dan nebrige jedan je autobus mladih koji odlaze iz BiH.“ – poručio je Jasmin Bešić, izvršni direktor Instituta za razvoj mladih KULT.



Proces izrade Strategije prema mladima koordinira Ministarstvo za obrazovanje, nauku i mlade Kantona Sarajevo, a Institut za razvoj mladih KULT je stručno-savjetodavna podrška Ministarstvu za obrazovanje, nauku i mlade Kantona Sarajevo za pružanje podrške u procesu izrade Strategije prema mladima Kantona Sarajevo.

Donošenjem Zakona o mladima Federacije Bosne i Hercegovine, svi nivoi vlasti obavezali su se kreirati i usvojiti Strategiju prema mladima. Ona predstavlja dokument institucija vlasti s programskim pristupom djelovanja prema mladima, a uključuje definisane probleme i potrebe mladih, strateške pravce djelovanja, ciljeve i mjere za njihovu realizaciju.

FBiH dobila nove certificirane službenike/ce za mlade

Službenicima/ama za mlade u F BiH koji su prošli obuku Instituta za razvoj mladih KULT u novembru su uručeni i certifikati. Riječ je o obuci koja za svrhu ima da se polaznici/e osposobe za samostalno

obavljanje poslova službenika/ca, te da osobe koje u državnoj službi obnašaju ili će obnašati funkciju i poslove službenika/ca budu stručno osposobljene za rad s mladima uz posjedovanje stručnih kompetencija i certifikata neophodnih za obavljanje te pozicije u organu državne službe.

Obuku su pohađala 22 polaznika/ce u sedamnaest zajednica u Federaciji Bosne i Hercegovine, a ceremonija dodjele certifikata organizovana je 23.11.2017. godine u Sarajevu. Posjedovanjem certifikata osobe koje nisu već zaposlene u državnoj službi imaju mogućnost prijaviti se na radno mjesto službenika/ce za mlade uz ispunjenje uvjeta agencija za državne službe.

Službenik/ca za mlade je državni službenik/ca koji je stručno osposobljen za rad s mladima i posjeduje certifikat o znanju o politici prema mladima i radu s mladima. (Zakon o mladima Federacije BiH)

Iako je pozicija službenika/ce za mlade značajan segment politike prema mladima, prema podacima dostupnim Institutu, sve općine u BiH nemaju službenika/cu za mlade. 59% lokalnih samouprava u Federaciji BiH i 68% lokalnih samouprava u Republici Srpskoj ima osobu koja se bavi pitanjima mladih.





Centar za mlade INPUT

Ul. Mokušnice 10, 72000 Zenica

Tel./fax: +387 61 766 532

E-mail: info@inputcentar.com

Web: www.inputcentar.com

Facebook: <https://www.facebook.com/udruzenje.input>

Robotika i programiranje u INPUT-u



Dana 27.11.2017. u Centru za mlade INPUT održan je čas iz robotike i programiranja (Arudino, Lego Mindstroms, mBot i Raspberry Pi), na kojem su prisustvovali, učenici **Tehničke škole iz Zenice**, pod vodstvom profesora Anela Husakovića i Nermina Hodžića. Cilj časa je bio da učenike na praktičan način upoznamo sa principom rada Arduina, Lego Mindstromsa, mBota i Raspberry Pi, i o osnovama programiranja. Moramo naglasiti da se današnjica zasniva na znanjima iz STEM područja (Science,

Technology, Engineering, Mathematics), i da budućnost ekonomije svakog društva leži upravo na STEM disciplinama. Iz tog razloga je bitno edukovati mlade u STEM područjima, kako bi bili konkurentni na tržištu rada i za privredno konkurentniju Bosnu i Hercegovinu. Na čas iz robotike i programiranja u organizaciji **Centra za mlade INPUT** odazvalo se 30 učenika smjera Elektrotehničar računarske tehnike i Elektrotehničar elektronike, gdje su radili Arduino projekte (sastavljanje led dioda, displeja i programiranje istog) i programirali LegoMindstroms. Ovim putem se zahvaljujemo na jako dobroj saradnji sa **Tehničkom školom**, na čelu sa direktorom prof. Mujom Zvekićem i profesorima Anelom Husakovićem i Nerminom Hodžićem, koji teže da unaprijede znanje učenika i prošire im obrazovanje. Ovo je još jedna u nizu aktivnosti i projekata, koje već par godina provodi Centar za mlade INPUT, kojem je za cilj edukacija i afirmacija djece i mladih iz oblasti informacionih tehnologija. Svi zainteresovani nas mogu kontaktirati na FB i web stranici www.inputcentar.com.

INPUT-ovci obilježili dan državnosti BiH sa djecom u JU „Dom i porodica“

Članovi i članice INPUT-a su na prigodan način obilježili 25.novembar - Dan državnosti BiH sa djecom i mladima iz JU „Dom i porodica“ Zenica. INPUT-ovci su organizovali priredbu i svečanost povodom ovog dana. Vaspitači i djeca JU „Dom porodica“ Zenica su uzeli učešće u programu recitacijama i čitanjem stihova o BiH.

Uz intoniranje himne, muziku, razgovor i druženje željeli smo djeci i mladima da uljepšamo ovaj dan i da ih podsjetimo na ljubav koju trebaju osjećati prema svojoj domovini. Ovo je jedna od tradicionalnih aktivnosti mladih iz INPUT-a. Članovi i članice INPUT-a već desetu godinu pomažu djeci u pisanju zadaća, pomaganju u učenju, kao i vanastavnim aktivnostima posjeti kulturnim i obrazovnim institucijama Grada Zenica, raznim edukativno-socijalnim radionicama, izjavio je Adi Salčinović.



**Asocijacija srednjoškolaca u Bosni i Hercegovini**

Ul. Mula Mustafe Bašeskije 7, 71000 Sarajevo

Tel/fax: +387 33 205 850

E-mail: asubih@yahoo.comWeb: www.asubih.ba

Jedanaesti mjesec 2017. godine u Asocijaciji srednjoškolaca u Bosni i Hercegovini je bio ispunjen nizom aktivnosti:

Deset godina ASuBiH-a

Ceremonija upriličena povodom obilježavanja 10. godina ASuBiH-a, održana je u Domu Armije u Sarajevu 4.11.2017. Preko 150 ljudi, iz preko 15 lokalnih zajednica je prisustvovalo ceremoniji. Na ovom događaju prikazali smo dosadašnji rad organizacije, osvrnuli se na sve ono što smo postigli, ali i na sve ono što tek planiramo ostvariti. Našem pozivu odazvali su se i bivši članovi Upravnog odbora, bivši predsjednici, ali i sami osnivači ASuBiH-a. Svaka generacija dosadašnjih Upravnih odbora imala je predstavnika, koji se gostima obratio i podijelio sa svima svoje iskustvo u ovoj organizaciji.

Do sada smo uspjeli uključiti preko 60 gradova u rad naše organizacije, raditi istraživanja, razmjene, edukacije i kampove, izmijeniti zakone... To smo sve prikazali kroz program koji je trajao nešto više od dva sata. Također, posjetioci su imali priliku prvi put pogledati video koji je napravljen s ciljem da predstavi rad organizacije u prethodnih 10 godina.

Međunarodni dan srednjoškolaca

Nedugo nakon uspješno proslavljenog desetog rođendana, krenuli smo sa implementacijom najvažnijeg datuma za sve srednjoškolce - Međunarodnog dana srednjoškolaca. Asocijacija srednjoškolaca u Bosni i Hercegovini je ove godine u 56 lokalnih zajednica širom Bosne i Hercegovine, osmi put za redom obilježila 17.11. – Međunarodni dan srednjoškolaca. Ovaj dan se obilježava u znak sjećanja na studentske proteste koji su održani u Pragu 17.11.1939. godine, gdje su studenti protestovali protiv nacističke okupacije, te su streljani bez prethodnog suđenja.



17.11. Međunarodni dan srednjoškolaca je dan kada srednjoškolci cijelog svijeta stavljaju fokus javnosti na svoje probleme. Ove godine Asocijacija srednjoškolaca u Bosni i Hercegovini je fokus stavila na jedinstveno obrazovanje bazirano na kvalitetnoj praktičnoj nastavi i na identifikaciji problema srednjoškolaca i samim tim doprinosu demokratizaciji društva, te je ovogodišnji slogan:



Cilj aktivnosti je informisanje srednjoškolaca o značaju datuma, o kvaliteti praktične nastave i o segregaciji. Centralne aktivnosti su sadržavale dijeljenje promotivnih materijala, minut šutnje i kačenje banera u gradu. Popratne aktivnosti sastojale su se od izglasavanja i javnog rangiranja 5 najvećih problema srednjoškolaca unutar lokalne zajednice.

Preko 1000 srednjoškolaca je izašlo na ulice 17.11. i na taj način pokazali smo da ne želimo stajati mirno i posmatrati šta se dešava oko nas. Želimo se boriti, i zajedničkim snagama doprinjeti ostvarenju „boljeg sutra.“

Ovo za nas nije bio još jedan 17.11., ovo je za nas još jedan od onih datuma kada smo pokazali da želimo da se borimo za pozitivne promjene u našem društvu.



Osnovan 62. Lokalni tim AsuBiH – tim Višegrad

Novembar ove godine je po mnogočemu poseban za našu organizaciju. Naime, početkom ovog mjesca osnovali smo 62. Lokalni tim Asocijacije srednjoškolaca u Bosni i Hercegovini- tim Višegrad!

Srednjoškolci iz Višegrada su odlučili da se pridruže ovoj velikoj porodici, i osnovali su tim u svojoj lokalnoj zajednici. Ovo se desilo nakon što je par srednjoškolaca učestvovalo na SHL Stand up seminaru koji se održao krajem prošlog mjeseca u Višegradu. Shvatili su značaj omladinskog okupljanja i zajedničkog djelovanja, pa su potaknuti cijelom pričom realizovali dvije aktivnosti potrebne da se osnuje tim.



Srednjoškolci okupljeni u lokalni tim Višegrad su odlučili organizovati akciju „Djeca su ukras svijeta“, gdje su uradili posjetu učenicima sa posebnim potrebama u OŠ „Vuk Karadžić.“ Pokazali su spremnost da se druže sa mališanima, kako bi im uljepšali makar jedan dan svojim prisustvom gdje su uradili prigodnu predstavu. Na kraju predstave su se družili sa Deda mrazom koji je odlučio podijeliti paketiće svima kao mali znak pažnje.

Druga aktivnost: „Uređenje školskog dvorišta“, čime su zvanično postali 62. lokalni tim Asocijacije srednjoškolaca u Bosni i Hercegovini. Učenici srednje škole JU SŠC „Ivo Andrić“ su se okupili sa zajedničkim ciljem – uređivanjem školskog dvorišta. Farbali su prozore, ogradu i počistili smeće iz dvorišta.

Nakon realizovanih aktivnosti, oformili su tim koji broji nešto više od 20 članova.

Istraživanje o kvaliteti praktične nastave

12. Novembar je bio dan kada smo nastavili raditi na našem projektu „Istraživanje o kvaliteti praktične nastave.“ Prvo je održan sastanak sa grupom za podršku, zatim sastanci PAR grupe srednjoškolaca a pripremljene su i aktivnosti za idući period.

Učesnici istraživačke PAR grupe Grada Mostara na ranijim sastancima definisali su svoju temu istraživanja, a to je “suradnja škola i firmi na polju realizacije praktične nastave”. Ostatak vremena koje će raditi na ovom istraživanju posvetiti će upravo analiziranju situacije oko navedene teme. S tim u vezi, u petak 10.11.2017.godine, u prostorijama “Američkog Kutka”, održan je prvi sastanak sa Grupom za podršku. Našem sastanku odazvali su se predstavnici škola, institucija i privrednika, odnosno Ministarstva obrazovanja, nauke, kulture i sporta HNK, Privredne komora Grada Mostara i firme Katarina d.o.o. Na samom sastanku predstavnici istraživačke PAR grupe predstavili su gostima rad naše organizacije, potrebu i svrhu realizacije ovog istraživanja i njegove ciljeve. Također, učesnici su predstavili i sve dosadašnje rezultate i zaključke do kojih smo došli na prethodnim sastancima PAR grupe.



Gosti su istakli da su prijatno iznenađeni činjenicom da srednjoškolci sami žele bolju praktičnu nastavu i da su spremni boriti se za to. Podržali su naš rad te iskreno vjerujemo da ćemo surađivati i pomoći jedni drugima te da će suradnja doprinijeti rezultatima našeg istraživanja te na kraju i kvaliteti praktične nastave u Gradu Mostaru.



Asocijacija srednjoškolaca u Bosni i Hercegovini (ASuBiH) je nevladina, nestranačka i nepolitička organizacija, čiji je osnovni cilj poboljšanje statusa srednjoškolaca u zemlji i okupljanje svih mladih koji pohađaju srednju školu na prostoru BiH.



PRONI Centar za omladinski razvoj
Ul. Mehmedagića 24, 76100 Brčko distrikt BiH
Tel./Fax: +387 49 217 695
E-mail: pronibrbc@teol.net
www.pronibrcko.ba

Kampanja CAT

29.11.2017. godine na ulicama Tuzle mladi okupljeni oko kampanje „Građani protiv terorizma“ realizovali su akciju koja je za cilj imala dijeljenje priručnika „Prevenција i borba protiv nasilnog ekstremizma – Svi imaju ulogu“.

Kampanja CAT (Građani protiv terorizma) za cilj ima ukazati na važnost uloge mladih u prevenciji radikalizma i nasilnog ekstremizma. Ovo je druga aktivnost ove godine u kojoj učestvuju studenti iz Bijeljine, Brčkog i Tuzle uz podršku „Proni centra za Omladinski razvoj“, te partnerske organizacije Omladinski resursni centar Tuzla.



U današnjoj uličnoj akciji „Građani protiv terorizma“ učestvovalo je 11 studenata iz gore navedenih gradova, koji su građanima ukazali na svoju prisutnost i ponudili alternativu u vidu omladinskog organizovanja. Također, zahvaljujući OSCE misiji u Bosni i Hercegovini, koji aktivno sarađuju sa mladima i njihovim predstavnicima, kao i sa institucijama naše države relevantnim za ovo pitanje, podijeljeno je 400 priručnika „Prevenција i borba protiv nasilnog ekstremizma – Svi imaju ulogu!“

Priručnici su izrađeni od strane OSCE-

ovog stručnog tima.

Napominjemo, da kao dio aktivnosti ove kampanje i dalje djeluje „facebook“ stranica www.facebook.com/CATBiH na kojoj možete pronaći više informacija o aktivnostima studenata okupljenih oko CAT (Građani protiv terorizma) kampanje.

Predstavnik PRONI-ja na Malti

Predstavnik PRONI Centra, Dejan Rađen, trenutno je na konferenciji [Conference "Youth Work Against Violent Radicalisation"](#) gdje će predstaviti naš rad i naše projekte sa još 100 mladih iz Evrope i svijeta. Konferencija se održava na Malti.

Projekat podržao [Erasmus+](#) i eupa.

Obuka za omladinske radnike

PRONI Centar za omladinski razvoj, u saradnji sa Vladom Brčko distrikta BiH, organizuje obuku za 52 omladinska radnika/radnice koji djeluju u 26 Omladinskih klubova u Brčko distriktu BiH.

Projekat Mreža omladinskih klubova Brčko distrikta BiH ove godine slavi svoju desetu godišnjicu rada i PRONI Centar za omladinski razvoj je u prostorijama Omladinskog centra Brčko distrikta BiH, upriličio

sastanak sa predsjednicima MZ i omladinskim radnicima koji djeluju u okviru Mreže omladinskih klubova.

Ovom prilikom je predstavljen projekat "PRONI Akademija Omladinskog Rada©" koji je financiran od strane Vlade Brčko distrikta BiH, po javnom pozivu 2017, i koji ima za cilj osnaživanje volontera – omladinskih radnika radi unapređenja njihovih vještina za realizaciju aktivnosti omladinskog rada, prije svega sa mladima koji su članovi Omladinskih klubova koji djeluju u okviru Mreže omladinskih klubova Brčko distrikta BiH.

Projektom će se motivisati i ohrabriti i učešće volontera-omladinskih radnika na aktivnostima vezanim za razvoj omladinskog rada u zajednici, rješavanju problema mladih u Brčko distriktu BiH te doprinošenje kulturi mira i nenasilja. Cjelokupni program će se odvijati kroz PRONI metodologiju neformalnog obrazovanja mladih koristeći Pristup baziran na ljudskim pravima (Human Rights Based Approach).

Javni poziv za učesnike PRONI Akademije Omladinskog Rada© je otvoren do 20.12.2017. i prijaviti se možete putem sledećega [linka](#) ili možete lično preuzeti aplikacioni obrazac u kancelariji PRONI Centra za omladinski razvoj ([google maps](#)).

Prijave su otvorene za sve mlade ljude koji imaju završenu srednju školu (IV stepen) i koji žive u Mjesnim Zajednicama u kojima djeluju [Omladinski klubovi](#).



Okrugli sto – „Energetsko siromaštvo u BiH“



PRONI Centar kao partner sa [Centar za ekologiju i energiju](#) i [Heinrich-Böll-Stiftung](#) je organizovao okrugli sto na temu "Energetsko siromaštvo u BiH" u [Americki kutak Brcko Distrikt](#).

Energetsko siromaštvo predstavlja jedan od ključnih problema današnjice. Prema procjeni Evropske komisije u Evropi živi između 50 i 125 miliona ljudi koji su energetski siromašni. Procjene su da je u Evropi energetski siromašan već svaki sedmi stanovnik.

Account sastanak – Antikorupcijske mreže organizacija civilnog društva u BiH

U Sarajevu je 2. novembra održan redovni sastanak sektorske grupe za borbu protiv korupcije u obrazovanju, u okviru „[Antikorupcijske mreže organizacija civilnog društva u BiH- Account](#)“ podržane od strane USAID-a.

Na sastanku su predstavljeni dosadašnji rezultati postignuti u okviru djelovanja sektorske grupe, kao i strateško planiranje aktivnosti za period 2017- 2018. Razgovarano je o idejama i prijedlozima kojima će se obilježiti dan i sedmica borbe protiv korupcije.

Također, predstavljen je i omladinski tim pri sektorskoj grupi za borbu protiv korupcije u obrazovanju. [Emir Karamujić](#), član PRONI centra za omladinski razvoj, je predstavnik za Brčko u sastavu omladinskog tima.

Radionica u Orašju

PRONI Centar za omladinski razvoj Brčko distrikt BiH, dana 24.11.2017 u konferencijskoj sali hotela "Navis" Orašje s početkom u 13:30h organizovao je promotivnu radionicu gdje smo prezentovali rezultati ankete sprovedene tokom prethodna dva mjeseca u BiH.

U okviru projekta „Borba protiv stigmatizacije kroz osnaživanje i promjenu stavova“ (“Empower for Change of Stigmatizing Attitudes”), koji kao nosilac projekta, realizuje organizacija CDT (“Centar za demokratsku tranziciju” Podgorica, Crna Gora), uz finansijsku podršku Evropske komisije kroz Erasmus+ program i Komisije za raspodjelu dijela prihoda od igara na sreću Crne Gore, urađeno je istraživanje u obliku ankete za mlade ljude od 18 do 30 godina.

RE: Generacija – PRONI Ambasador i projektni tim

Nakon velikog Samita mladih, koji je u okviru USAID-ovog projekta re:Generacija prošlog mjeseca održan u Sarajevu, odabrano je deset mladih lidera – Ambasadora pomirenja među kojima je i Dejan Rađen ispred Brčkog i ispred PRONI Centra za omladinski razvoj. Odabrano je i deset zasebnih timova koji će u svojim lokalnim sredinama sprovoditi projekte zagovaranja pomirenja i zajedničke budućnosti u BiH.

Ovi mladi lideri, koji dolaze iz različitih bh. općina (**Brčko, Doboj, Drvar, Gornji Vakuf-Uskoplje, Jajce, Kotor Varoš, Prijedor, Sanski Most, Stolac i Zvornik**), pokazali su da žele i mogu udružiti snage u izgradnji bolje i svjetlije budućnosti svoje zemlje usljed čega su i odabrani za nosioce ovog dvogodišnjeg projekta.



Tim lider ispred projektnog tima BRČKO je Mirsad Zahirović. Tim povodom, sarajevski Magacin Kabare i Međunarodni republikanski institut u BiH su prošlog vikenda okupili mlade Ambasadore i edukatore iz oblasti kulture, zagovaranja, umjetnosti i komunikacija na trodnevnoj radionici, gdje su učesnici, osim edukacije, dobili konkretne zadatke koji se odnose na njihove buduće aktivnosti u promociji pomirenja i jačanju suživota među različitim etničkim grupama.

Jedan od zadataka mladih Ambasadora bit će i priprema finalnog dokumentarnog filma koji će ispričati priču o svim njihovim aktivnosti u narednih godinu dana. **“Ambasadori će usko saradivati sa Magacinom Kabare-om i usvajati znanja i vještine koje će im pomoći u stvaranju završnog dokumentarnog filma. Ovaj film treba da zabilježi sve njihove posjete općinama, susrete sa lokalnim stanovništvom, posjete mjestima stradanja kao i njihove lične doživljaje i iskustva. Dokumentarac će se prikazivati širom BiH u periodu od septembra 2018. do maja 2019. godine”**, kazao je direktor Magacin Kabare-a, Emir Kapetanović.

Trodnevnu radionicu u Sarajevu i druženje sa Ambasadorima upotpunile su i neke poznate ličnosti poput Frenkia i Marčela koji su razgovarali sa mladima o društvenim promjenama, građanskoj hrabrosti i odgovornosti.

“Mislim da nam treba ovakvih projekata, jer su mladi naraštaji jedina nada za bolju budućnost ove zemlje. Treba ih što više usmjeravati na etiku jednakosti, razumijevanja i poštovanja i sklanjati od stereotipa i uvriježenih predrasuda”, prokomentarisao je bh. reper Frenkie.

Omladinski klub "DIJAMANT"

Ul. Bučići 42, 70101 Jajce

Tel./fax: +387 30 279 444, 61 179 209, 63 366 811

E-mail: m.sekib@bih.net.ba

WEB: www.ocd-dijamant.net, www.dijamantmoda.com

Uspješno završena prva faza projekta „Sport je najbolja komunikacija“ Omladinskog kluba Dijamant

Projekat "Sport je najbolja komunikacija" implementiran je u četiri ciljana grada, i to: Tomislavgradu, Donjem Vakufu, Šipovu i Jajcu,



doprinijeti jačanju interakcije, izgradnje mira, jačanju tolerancije, razumijevanja, međusobnog upoznavanja i dijaloga različitih nacionalno-etničkih skupina. U narednom periodu očekujemo nastavak druge faze projekta i planiranih projektnih aktivnosti. Nažalost, projekat je bio limitiran i nije mogao da udovolji svim zainteresovanim, a što ćemo u drugoj fazi dati priliku i drugim zainteresovanim za učešćem u projektnim aktivnostima.

„Ovaj projekat je omogućila velikodušna podrška američkog naroda putem Američke ambasade u Sarajevu i svi stavovi, mišljenja i zaključci izneseni ovdje ne odražavaju nužno stav Američke ambasade ili Vlade SAD, već isključivo autora“

Najuspješnije očekuje zaposlenje

U okviru projekta "KONKRETNO @ MOTIVIRANO", izvršena je primopredaja i popis materijalnotehničkih sredstava između Centra za obuku/edukaciju Omladinskog kluba "Dijamant" i Razvojne agencije "Tika", čime je omogućeno je da počne profesionalna obuka prijavljenih kandidata na profesionalnim mašinama.

U prostorijama Omladinskog kluba „Dijamant“ u Bučićima izvršena je primopredaja materijalno tehničkih sredstava, čime je otpočeo program obuke profesionalnog krojenja, šivenja i rukovanja mašinama za 20 žena s jajačkog područja.

Vrijednost projekta iznosi 70.000 KM, a podržala ga je Turska razvojna agencija (TIKA).

Kroz tri mjeseca obuke, koju će voditi Suad Hajder, sve kandidatkinje imat će priliku da savladaju krojačke vještine, a nakon toga najbolje od njih dobit će priliku za zaposlenje.

Ugovore o suradnji potpisao je predsjednik Omladinskog kluba „Dijamant“ Šekib Makić i direktor TIKE Omer Faruk Alimdži.



Na projektu „Konkretno i motivirano“ radimo već dvije godine, a tek sad smo uradili veći dio posla. Ostvarili smo preduslove da „Centar za obuku i edukaciju“ konačno počne s radom, a uključili smo nezaposlene žene srednjih godina. Ovo je jedna pozitivna priča koja će biti od koristi za cijelo društvo – rekao je Makić.

Osim TIKE koja je podržala veći dio projekta, podršku su pružili još i UNDP, Federalno ministarstvo za ljudska prava i izbjeglice, Federalno ministarstvo okoliša i turizma, Federalno ministarstvo za izbjeglice, te Općina Jajce.





Međunarodni centar za djecu i omladinu FORTIS

Ul. Suljo Čilić bb, 88420 Jablanica

Tel./fax: +387 63 334 993, +387 61 327 427

E-mail: centarfortis@yahoo.com

Web: www.centar-fortis.org

Omladinski susreti kroz klasičnu muziku

U subotu 11.11.2017. godine, održani su treći "Omladinski susreti kroz klasičnu muziku" koju je realizovao Međunarodni centar za djecu i omladinu "Fortis" iz Jablanice.



Projekat je fokusiran na susretima između mladih kroz učenje i sviranje klasičnih kompozicija, a sve u vezi sa daljnjim unapređenjem kulturnog života lokalne zajednice i grada. Susretima su povezana dva kantona: Hercegovačko-neretvanski kanton i Zapadnohercegovački kanton, zatim Općina Jablanica i Grad Ljubuški i dvije ustanove: Osnovna glazbena škola Ljubuški sa Centrom „Fortis“ iz Jablanice. Set aktivnosti (muzičke radionice, zajednički koncert) uključivao je učenje, diskusije, prezentacije, razmjene dosadašnjih iskustava. Ovo je također jedan jedinstven projekat koji zajedno sa klasičnom muzikom, kao najvećim stepenom muzike, muzičkim radionicama, zajedničkim koncertima, može uticati na kulturni nivo građana. Kroz ovaj projekat došlo je do afirmacije djece i omladine koja u sebi već imaju i talenat i volju i želju za sviranjem, a time je i njihovo znanje uvećano neprevaziđenim kompozitorima poput: Bacha, Mozarta ili Straussa. Projektom su otklonjene sve nacionalne barijere.

Na susretima su nastupali učenici Osnovne glazbene škole Ljubuški i Male škole klavira iz Jablanice. Susreti su održani u novoizgrađenim prostorijama Osnovne glazbene škole Ljubuški. Učenici su svirali na klaviru, violini i flauti, nakon čega su svi učesnici zajedno obišli: Franjevački samostan svetog Ante Padovanskog na Humcu, Muzej na Humcu, vidjeli su bogatu arheološku zbirku sa primjercima iz predhistorije, antike, srednjeg vijeka i novijeg vijeka, među njima Humačku ploču pisanu bosančinom i vodopad „Kravice“.



Projekat su sufinansirali Federalno ministarstvo kulture i sporta/športa i Vijeće mladih općine Jablanica.



OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.net

Web: www.svitac.org

FB: www.facebook.com/omladinska.svitac

Dnevne radionice

Omladinska organizacija Svitac je u novembru nastavila sa svakodnevnim aktivnostima. Učesnici su podijeljeni u dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Koordinator jutarnjih radionica je pripremio plan aktivnosti za neformalno učenje kroz igru, maštovitost i kreativnost. U toku mjeseca za uzrast 4-7 godina su se organizovale kreativne radionice, gdje su učesnici pravili od papira bundeve, paukove mreže, duhove. Takođe su naučili nove riječi iz engleskog vezane za porodično stablo i nastavili sa alfabetom na našem jeziku. Jedan dan u sedmici je planiran za zajedničko gledanje crtanih filmova i takmičarske igre. Materijali koji su se koristili za realizaciju ovih radionica su ljepilo, karton, kolaž papir, blokovi za crtanje, voštane boje, flomasteri, drvene i vodene bojice. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, takođe da razviju motoriku i poštovanje prema drugom i usvoje lijepo ponašanje. Ovaj mjesec je do 20 učesnika pohađalo jutarnje dnevne radionice.



Poslepodnevna grupa prati raspored koji je svaki dan drugačiji, pokušavajući obuhvatiti što više različitih tema i aktivnosti. (uzrast 8+). Ponedjeljkom je na rasporedu kreativna radionica i kreativno izražavanje. Ovaj mjesec učesnici su svoju kreativnost izrazili kroz pravljenje bundeva, paukovih mreža, vampira i duhova. Utorkom su radionice engleskog jezika kada učesnici kroz vježbe komunikacije, te razne igre uče nove riječi i gramatiku. Teme koje su ovaj mjesec bile aktuelne su porodično stablo, pitanje koja ti je omiljena: knjiga, film, bend i odgovor „Moj/a omiljeni/a...“. Srijedom je turski jezik, a teme koje su se radile bile su vezane za voće, porodično stablo, životinje. Četvrtkom su kreativne radionice gdje su učesnici nastavili da prave ukrase za Omladinski centar i na taj način predstavili svoje radove drugim učesnicima i posjetiocima. Petkom su na rasporedu radionice njemačkog jezika, gdje učesnici uz igru i timski rad imaju priliku da urade školsku zadaću, poboljšaju komunikaciju i vokabular te kroz igru nauče dodatne riječi vezane za životinje, godišnja doba, vremenske prilike ili da se kroz igru memorije na njemačkom i druženje zabave.

Radionice se održavaju u Omladinskom centru Brčko distrikta.

„Pričajmo njemački“ – radionice komunikacije na njemačkom jeziku sa izvornim govornicima

Radionice njemačkog jezika se održavaju svakog četvrtka u prostorijama Omladinskog centra Brčko distrikt od 17:30-19:30 časova. Na početku radionica koordinator na njemačkom jeziku postavi par pitanja iz opšteg znanja, te na taj način uvede grupu u zadatke. Ovaj mjesec je grupa radila na

komunikaciji i nastavila rad na tekstovima prilagođenim njihovom poznavanju njemačkog. Grupa je takođe radila vježbanje slušanja, te pisanje i čitanje. Radionice komunikacije na njemačkom jeziku su namijenjene za sve koji žele naučiti osnove gramatike, ali i usavršiti već postojeće znanje i steći nova iskustva i poznanstva.

„I love English“ – radionice komunikacije na engleskom jeziku sa izvornim govornicima

Radionice engleskog jezika se održavaju svake srijede u prostorijama Omladinskog centra Brčko distrikt od 19:00-20:00 časova. Radionice komunikacije na engleskom jeziku su namijenjene svima koji žele naučiti osnove gramatike, upotrebu svakodnevnih fraza i drugih elemenata, ali i usavršiti već postojeće znanje i steći nova iskustva i poznanstva.

„Učimo Turski“ – radionice komunikacije na turskom jeziku sa izvornim govornicima



Radionice turskog jezika se održavaju utorkom u prostorijama Omladinskog centra Brčko distrikt od 18:00-19:00 časova. Radionice komunikacije na turskom jeziku su namijenjene za sve koji žele naučiti osnove gramatike, upotrebu svakodnevnih fraza i drugih elemenata, ali i usavršiti već postojeće znanje i steći nova iskustva i poznanstva. Učesnici su ovaj mjesec vježbali svakodnevne, jednostavne dijaloge.

Sportske radionice

Sportske radionice se održavaju utorkom i četvrtkom od 16:00-17:00 časova u prostorijama Omladinskog centra Brčko distrikt i namijenjene su mladim ljudima koji žele da poboljšaju motoriku, kondiciju i tjelesnu snagu, te da steknu nove vještine i poznanstva.

Radionice gitare

Učesnici radionica gitare su nastavili sa redovnim radom.

Radionice sambe

Učesnici ove radionice ponavljali su kompozicije iz prethodnih mjeseci.

Halloween Party / Noć vještica

Omladinska organizacija Svitac je i ove godine organizovala Halloween Party za djecu i mlade sa područja Brčko distrikta. Prvi dan je zabava organizovana za uzrast 4-6 godina kada su mališani imali priliku da učestvuju u raznim igrama, te da zajedno pogledaju crtani film „Bugs Bunny“. Nakon toga su imali zakusku, te se birao najbolje ručno rađen kostim uz nagradu.

Drugi dan je Halloween zabava održana za uzrast 8+. Uz pomoć međunarodnih i lokalnih volontera, Omladinska organizacija Svitac je organizovala zanimljiv program, gdje su učesnici imali priliku da učestvuju na tri stanice sa igrama tipičnim za Halloween, kao što su hvatanje jabuka u vodi, muzičke stolice, te skriveni predmeti u dekorisanim kutijama. U završnom dijelu zabave se takođe birao najbolje ručno rađeni kostim uz nagradu, te je upriličena i zakuska sa tipičnim slatkišima za Halloween i face paintingom. Tokom dva dana proslave Halloween-a zabavama je prisustvovalo oko 150 gostiju.



Dan borbe protiv fašizma

Omladinska organizacija Svitac je obilježila, sa učesnicima dnevnih aktivnosti, 09. novembar - Međunarodni dan borbe protiv fašizma i antisemitizma.

Učesnici prve grupe, uzrasta 4-7 godina, su pogledali lutkarsku predstavu, koju su pripremili međunarodna volonterka Manja Momirović i lokalni volonter Adin Midžić. Prilagođeno uzrastu učesnika, kroz predstavu i dijalog je pojašnjen pojam fašizma, a u kreativnom dijelu radionice učesnici su crtali razna nasmijana lica, te je napravljen poster od tih radova.

Učesnici druge grupe dnevnih aktivnosti, uzrasta 8+, su takođe pogledali lutkarsku predstavu, a nakon toga su identifikovali likove i primjer fašizma u predstavi. Kreativni dio se sastojao od pravljenja stripa po primjeru predstave.

U večernjem terminu održana je radionica za uzrast 16+. Nakon brainstorminga i asociograma šta je fašizam, prikazani su dijelovi iz filma „Die Welle“, režisera Dennis Gansel-a, nakon kojih je održana diskusija.

Međunarodni dan tolerancije



Omladinska organizacija Svitac je povodom 16. novembra, Međunarodnog dana tolerancije, organizovala kreativne radionice za dvije grupe učesnika (uzrast 4-7 i 8+). Cilj radionica je bio da se promoviše važnost svjetskog dana tolerancije, stabilnost i sigurnost, te važnost saradnje i timskog rada. Mlađi učesnici su imali priliku praviti planet zemlju od papira, oko koje se ljudi drže za ruke, te su gledali crtani film, u kojem su predstavljeni primjeri i simboli tolerancije i razumijevanja, dok je

poslepodnevna grupa pravila lutkarsku predstavu na temu tolerancija. Na kraju radionice je održana diskusija prilagođena njihovom uzrastu.

Za decembar se planira nastavak svih redovnih radionica Omladinske organizacije Svitac.



H.O. MUSLIMANSKO DOBROTVORNO DRUŠTVO – MERHAMET DOBOJ

Ul. Kralja Aleksandra 17, 74000 Doboje

Tel./fax: +387 53 226 886

E-mail: merhamet.doboj@cutuk.net

FB: www.facebook.com/Merhamet-Doboj

Osim stalnih aktivnosti H.O. Merhamet doboj je tokom novembra radio i sljedeće:

02.11.2017 Održan je sastanak "ACCOUNT MREŽE"- sektor zdravstva u Sarajevu. Tema sastanka bila je: Borba protiv korupcije, pripreme za 9.12 2017 - Dan borbe protiv korupcije. Sastanku je prisustvovala Avdic Faketa.



04.11-2017 Aktivisti H.O "Merhamet" Doboje su izvršili raspodjelu humanitarne pomoći. Raspodjelom je obuhvaćeno je 300 porodica.



11.11.2017 Koalicija "Tolerantno i pozitivno" iz Doboje povodom dana tolerancije imala je obimne aktivnosti. Volonteri "Merhameta" Doboje su prisustvovali u NVO "ToPeer" veoma zanimljivoj radionici o toleranciji. Osim dobojskih volontera, u aktivnostima su učestvovali i mladi iz Tešnja, Doboje juga i Doboje istoka, zajedno sa predstavnikom OEBSA Sinišom Petrovićem, koji se maksimalno trudi da koalicija "Tolerantno i pozitivno" ima što više aktivnosti i da je prepoznatljiva u gradu Doboju. Branje - prefarbavanje uvredljivih grafita je takođe bila jedna od prepoznatljivih aktivnosti, koalicija nastavlja sa radom.



15.11.2017 U Banjoj Luci je održan sastanak regionalnog Merhameta R.S., na čelu sa direktorom Jasminom Spahićem. Sve pohvale za aktivnosti koje su do sada urađene i naravno uvijek može bolje i više. Direktor Jasmin Spahić se maksimalno trudi da se osposobe svi Merhameti u R.S. i da imaju pravni status.



15.11 2017 U Centru za kulturu je povodom Dana tolerancije održana veoma interesantna predstava O.Š. Vuk Karadžić, koju je predvodila Sanja Kovačević u saradnji sa OEBSOM - Sinišom Petrovićem. Predstava je bila fenomenalna a Sanja i dječica su fascinirajući izveli obimne skečeve, pjesmice, atletiku, i drugo. Sve pohvale za aktivnosti koalicije "Tolerantno i pozitivno" iz Doboja koje se i dalje natakvljaju.

20.11-2017 Predsjednica i sekretarica "Merhameta" Dobj prisustvovala okruglom stolu koji je organizovala "Mreža podrške žrtvama/svjedocima u slučajevima krivičnih djela na području nadležnosti Okružnog suda u Doboju".



22.11.2017 aktivisti Merhameta prisustvovali okruglom stolu koje je organizovalo Ministarstvo pravde u saradnji sa OEBS-om. Prezentovana je promocija zakona gdje su učesnici institucija lokalne samouprave i nevladinog sektora učestvovali u raspravi. Za nevladin sektor je veoma važno pružanjbesplatne pravne pomoći građanstvu kao i ostale klauzule - prava za zaštitu podataka.





Udruženje studenata medicine u BiH BoHeMSA LC Tuzla

Univerzitetska 1, 75000 Tuzla
Tel. +387 61 820 292
E-mail: bohemsa.lctuzla@gmail.com
President.tuzla@bohemsa.org

Obilježavanje međunarodnog dana djeteta

Povodom obilježavanja Međunarodnog dana djeteta organizovana je predstava za najmlađe pripadnike naše populacije pod nazivom „Plava boja snijega“ u prostorijama Bosanskog kulturnog centra Tuzlanskog kantona (BKC TK), a u organizaciji Udruženja studenata medicine u Bosni i Hercegovini, lokalni komitet Tuzla (BoHeMSA LC Tuzla).



Na generalnoj skupštini Ujedinjenih naroda, 1989. godine, je usvojena Konvencija o pravima djeteta koja je promijenila pogled na djecu kao subjekte s pravima, a ne samo osobe koje zahtijevaju posebnu zaštitu. Cilj obilježavanja ovoga datuma je podsjetiti javnost o potrebi zaštite djece i maloljetnika od zloupotrebe, nasilja i raznih oblika diskriminacije koja je na žalost i u 21. stoljeću uveliko prisutna.

Predstava je obrađivala teme sa univerzalnim porukama, prilagođene i izvedene kako bi i najmlađi članovi naše populacije mogli da ih shvate. Na predstavi su prisustvovali članovi JU Doma za djecu bez roditeljskog staranja i JU Zavoda za odgoj i obrazovanje osoba sa smetnjama u psihičkom i tjelesnom razvoju Tuzla. Nakon fenomenalno izvedene predstave od strane glumačke postave BKC TK, svi učesnici su mogli uživati u donaciji slatkiša od strane slastičarne „San Marco“ Tuzla i u druženju sa glumcima.



Cijeli događaj je organizovan ispred lokalnog komiteta za ljudska prava i mir (LORP) na čelu sa koordinatoricom projekta Ernom Ahmetpahić.



SAOPŠTENJA / INFORMACIJE / DONATORI / POZIVI

Western Balkans Fund grantovi za projekte

Fond Zapadni Balkan (Western Balkans Fund – WBF) objavio je Prvi poziv pravnim licima, neprofitnim i nevladinim organizacijama za dostavljanje regionalnih projektnih predloga.

OBLAST: kulturna saradnja, obrazovna i naučna razmjena, održivi razvoj

OPIS

jačanja regionalne kohezije između njenih članica – Albanija, Bosna i Hercegovina, Makedonija, Crna Gora, Kosovo i Srbija. Promocija prekogranične saradnje, rodne ravnopravnosti i omladina su unakrsna pitanja koja pokrivaju sve aktivnosti u okviru ključnih područja aktivnosti WBF-a. Prijave za projekat moraju obuhvatiti bar jednu od navedenih oblasti djelovanja:

- 1) kulturna saradnja;
- 2) obrazovne i naučne razmjene;
- 3) održivi razvoj.

Ukupan indikativni iznos koji je dostupan u okviru Poziva za podnošenje predloga iznosi 230 000 EUR, dok bilo koji grant zatražen u okviru Poziva ne može iznositi više od 12 000 eura. Fin

(bez WBF-a):

- 1) korisnik (samofinansirajući i / ili doprinosi u naturi);
- 2) finansijski doprinosi drugih donatora;
- 3) (samo u opravdanim slučajevima).

USLOVI

Pravo na prijavu ostvaruju aplikanti koji formiraju projektna partnerstva. Projektno partnerstvo sastoji se od najmanje tri različite članice WBF-a. Partnerske strane moraju poticati iz najmanje tri različite članice WBF-a.

Kvalifikovani vodeći aplikant je direktno odgovoran za pripremu i upravljanje projektom i relevantnim akcijama zajedno sa projektnim partnerima (ne djeluje kao posrednik) – pravno lice osnovano u okviru WB6, neprofitna i organizacija civilnog društva, ili organizacija koja pripada jednoj od sljedećih kategorija:

- lokalni ili regionalni javni subjekt, ili udruženje lokalnih ili regionalnih javnih lica;
- poslovna udruženja: poslovne grupe, poljoprivredna udruženja, privredna komora, turistička udruženja, itd;
- obrazovne ustanove: univerzitet, škola, institut, biblioteka, istraživački centar, akademija nauka / muzike / umjetnosti, itd;
- institucija za kulturu ili sport: muzej, umjetnička galerija, pozorište, biblioteka ili udruženje kulturnih institucija, sportsko udruženje, druga udruženja, itd.

Projektni partneri učestvuju u projektovanju i implementaciji projekta, a njihovo

U okviru Poziva za podnošenje predloga, organizacija može podnijeti samo je jednu aplikaciju kao projektni partner.

/ ili

NAČIN PRIJAVE

Prijave se podnose isključivo putem e-mail pošte na adresu:

WBFapplications@westernbalkansfund.org.

Potrebno je dostaviti sljedeću dokumentaciju na engleskom jeziku:

- 1) aplikacioni formular;
- 2) indikativni vremenski plan;
- 3) logični okvir;
- 4) budžet;
- 5) izjavu vodećeg aplikanta.

ROK ZA PRIJAVU:

22. decembar 2017. godine do 23:59 h

VIŠE INFORMACIJA

WBF ima za cilj podsticanje saradnje između svojih članova, jačanje odnosa i

zajedničke regionalne projekte kroz razmjenu iskustava ljudi i upoznavanje sa vrijednostima, tradicijom i kulturom svojih zemalja.

Detaljnije: [Western Balkans Fund grantovi za projekte](#)

Konkurs za UNESCO /PhosAgro/IUPAC istraživačke grantove u oblasti zelene hemije za 2018. godinu



UNITED NATIONS

Educational, Scientific, Cultural Organization

U okviru partnerstva između UNESCO-a, ruske kompanije PhosAgro i Međunarodne unije za čistu i primjenjenu hemiju (IUPAC) otvoren je peti konkurs za istraživačke grantove za mlade istraživače sa inovativnim prijedlozima projekata u oblasti zelene hemije.

Za grant sredstva u iznosu do 30 000 US\$, se mogu prijaviti mladi istraživači, do 35 godina starosti, koji vode istraživačke projekte koji se mogu sprovesti u roku od godinu dana.

Konkurs je otvoren do 28. februara 2018. godine.

Detaljne informacije o konkursu, uslovima i načinu prijavljivanja se mogu naći na linku:

<http://www.unesco.org/new/en/natural-sciences/science-technology/basic-sciences/chemistry/green-chemistry-for-life>

Izvor: <http://www.unescobih.mcp.gov.ba>



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:
**Omladinski resursni centar
Tuzla**

**Hadži Bakirbega Tuzlića 1
75000 Tuzla**

tel/fax: 035 258 077

**e-mail: orcuzla@bih.net.ba
hcatuzla@bih.net.ba**

*Mjesečni bilten uređuje
Omladinski resursni centar -
ORC Tuzla*

Prevod Biltena na engleski:
Stefan Cvijanović – prof.
engleskog jezika

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com